



PLEASE DO NOT REMOVE  
CARDS OR SLIPS FROM THIS POCKET

---

UNIVERSITY OF TORONTO LIBRARY

---

BL            Tojo, Kindai  
1843           Sentetsu sodan kohen  
T582  
v.1-2

East Asia




先哲叢談後編

自一至二











BL  
1843  
T582  
V. 1-2



先哲叢談後編序



元寶以來文運盛開於是  
乎伊仁齋物徂徠其他有  
名之士彬彬輩出其所著  
文章徃徃有足以傳于世  
者然至史編則寥寥無聞



是以功臣之勲名士之跡  
鬱滯不顯湮沒不傳固爲  
可憾焉此皆誇博識馳空  
文徒貪時名之所致何以  
裨益後世之有予先人念  
齋君蓋有感於此纂集國



初以來文臣武將暨名一  
技藝者行狀墓誌家乘譜  
牒著史氏備考百卷其係  
儒林者特撫其要傍及稗  
官口碑逸事佳話以爲先  
哲叢談既布于世然猶有



遺漏將有補續未脫稿而  
歿予也愚陋寡聞固不能  
繼箕裘然亦竊有志乃謀  
之父執校訂不釋矣戊子  
之冬東條琴臺先生介慶  
元堂訪予廬曰吾亦嘗有



纂先哲事跡之書。請將效  
先人體例而爲之後編。子  
其許之否。予喜託以先人  
遺稿。庶幾將少有資考。于  
此。曩者先人屬醫林部。于  
官醫某。桑門部。于京僧某。



各就其專門而集大成。又命予纂係義士者。頃既屬稿矣。今茲己丑之秋。琴臺此書刻既成。則令鬱滯湮沒者。昭然顯于後世。豈誇博識馳空文。徒貪時名者。



之比哉。儻或他日。醫林桑  
門。繼踵而成。則先人之業  
亦不朽乎。是爲序。  
文政己丑冬十二月

江都德齋原義撰









序



自王仁氏傳經斯文大闡  
學索之後四道之教粲然  
振朝野中世以來  
朝綱漸弛天下多事武夫



悍卒舉而措之於用學政  
廢而不講求應仁之求其弊  
極矣大謬其衷

神祖龍興削平兇梗廓清  
礼坤方寓一家車書禮樂



圖弗穆然盡一四方儒術文  
藝之士應感而起修而為  
道德教而為文音聲施而為  
事業或列衆史教百家或  
才富萬篇筆馳風雷前者



崛起後者代興無不相與扶翼  
斯文而藻飾休隆矣猗歟  
盛哉其興子行事業人有繼  
而揚之者恨搜輯不博粹  
雜雜伴其足以傳信於世



者莫善於東條子威之撰  
矣子威貫紬群籍、旁搜異  
聞、成三十卷、名曰閑散、分直  
史、其敘事博、措辭深、廊  
廟立園、系錯三舉、道德



功業隨筆畢露以特觀  
子臧博覽治同之學廣收  
遠括之力以副國家  
崇重斯文之盛意矣嚮  
有原氏先哲叢談雖早



家於世其所甄錄僅七十二  
人其餘專門名家猶可一  
傳後世者蓋不以此識者憾  
焉書估慶元堂乃撮子戚  
之書以又得七十二家裁為八



卷更名曰先哲叢談後編  
王不款掩原氏之美也  
後之讀斯書每值其  
奇事異聞當必有嘆  
仰歎服因而興起者



文政庚寅五月東都綾瀨

龜田梓撰



陶齋呂省吾書



國田林縣



文苑集卷之五



先哲叢談後編凡例

一斯書所載各家事蹟。所考援書三百餘種。通編採纂。不妄一事。皆有根據。而參互錯衷。不堪瑣屑。故效前編例。每條不復記其出典。

一志士自晦。無蹟之可搜。無書之可考者。多出於諸老先輩之所提耳面命。而不能必無流傳之異同也。編纂之意。固在于摭掇散逸。發越幽沈。則其涉疑似者。不得不併存。以備參考。故不盡合於多聞闕疑之訓。屬辭比事。雖不安其無紕繆。不忍棄之意。在鷄肋。定爲羊存。



一斯書雖以儒家爲主。不敢專泥之。若山鹿素行。味立  
軒。本儒以精於韜略。後以兵家而被稱。細井廣澤源  
東江。始以儒起家。晚以善書而被稱。越雲夢山東洋  
永富。獨嘯菴伊藤冠峰。以方技著。自以儒而居。新井  
白蛾。片岡如圭。以占筮聞。又自以儒而居之類。皆悉  
收之。蓋以其有所原也。

一所標姓氏。皆從其所自稱。雖然我邦姓氏。複者  
多。而單者少矣。其複者至三四字。或不雅訓。文人之  
癖。尚雅斥俗。自脩爲單。若南部爲南益田。爲田之類。  
截去一字。今就二者言之。南則混南條南川等。田則



混田村田中等無所取信。又至其好奇者。不啻去複  
爲單。去字偏冠。若藤爲滕。源爲原之類。汎濫尤甚。至  
百歲之後。無知其人之爲誰。著姓名族。紊倫失實。殆  
不可解。夫姓者。統祖先所自出者也。氏卽族也。族者。  
別子孫所由分者也。豈可犯名分。亂世系哉。人弗思  
耳。故今舉通行之本氏於各條。以記其實。欲令覽者。  
不誤認其濫矣。

一生卒年月。葬所著述之類。雖前後重複。涉於蕪雜。不  
敢憚煩。一一記之。以便於弔謁墳墓。訪求遺書者。而  
至其不得詳悉者。姑置俟後考。



一引長蓋短義所宜然苟足傳者不敢以避嫌而蔽其  
美然若係朝典條制侯國法令等不能不避諱忌  
而闕如也以故懿言卓行或存口碑雖世所知爲之  
芟柞不得記者極多矣覽者無罪其不備而恕之

一余乏收貯各家著述多聞其名未見其書百方求之  
資考援於同人而人或吝乎假借愛不肯示自知遺  
賸不尠少矣後哲設補完之則幸甚

文政十年丁亥之春

東條耕識

先哲叢談後編凡例終



先哲叢談後編目錄

卷之一

谷時中

七條

三宅寄齋

十一條

小倉三省

五條

永田善齋

六條

江村專齋

九條

卷之二

山鹿素行

十五條

川井東村

十一條



西健甫

四條

白田畏齋

十三條

伊藤坦菴

八條

小河立所

七條

松浦交翠

五條

莊田琳菴

四條

柳原篁洲

九條

卷之三

細井廣澤

廿七條

南南山

九條



中野撫謙

八條

板復軒

十條

盧草拙

六條

荒川天散

七條

鷹見夾鳩

十三條

田鶴樓

十二條

田蘭陵

五條

岡嶋冠山

八條

越雲夢

九條

卷之四



源洞巖

十一條

矢野拙齋

五條

中江岷山

八條

高瀨學山

八條

澤琴所

九條

桂彩巖

十一條

味立軒

七條

管麟嶼

八條

卷之五

莊子謙

八條



稻葉迂齋

十二條

長坂圓陵

四條

元淡淵

十三條

高暘谷

六條

山脇東洋

九條

平竹溪

九條

木蓬萊

七條

赤松太庾

六條

中根東里

十一條

石瀬濱

五條



卷之六

劉龍門

九條

良華陰

七條

田邊晉齋

七條

南宮大湫

十三條

林東溟

七條

永富獨嘯菴

廿二條

谷玄圃

八條

鷄士寧

六條

伊藤錦里

八條



江村北海

十二條

清儋臾

十二條

卷之七

井大室

十三條

伊藤冠峰

七條

原東岳

七條

小川泰山

八條

奥貫貫山

八條

山中天水

十一條

片岡如圭

六條



分類詩話卷一

井金錢

十九條

卷之八

蘆東山

八條

石王塞軒

六條

新井白蛾

十條

龍草廬

二十條

安清河

十條

石作駒石

五條

源東江

九條

那波魯堂

八條



紀平洲

十九條

合七十有二人凡六百七十九條

斯編原題曰閑散宜史以知二百年來儒林文苑士  
之履歷而爲主其所記載自清原環翠藤惺窩至那  
波魯堂紀平洲等無慮一百二十人排纂成冊將刻  
之家塾而問於世會北總原公道著先播叢談八卷  
既收其七十二人各家事蹟與余所編大同小異詳  
畧得失互有出入公道有後編之作未成而歿諸友  
通人嘉獎余編皆慫慂之故刪七十二人讓之公道  
書以省重複掇殘拾剩增益數家條分縷析又得七



十二人。再能成冊。猶用舊名。乙酉之春。書估慶元堂。懇請改其體例。標目卷帙。皆仍公道之舊。爲之後編焉。余諾而不果。時促不措。遂授之稿矣。戊子之冬。訪原正道。告以余舉正道不敢拒之。又嘉余編投示其先君子之遺著。史氏備考及後編草稿曰。斯二書也。先人在于世日。研精覃思。有年於此。未及脫稿。雖固不足以充其取材。校異同於此。不可謂必無所少補也。余受而讀之。其爲書也。徵引賅博。偃武以來。人物足傳者。莫不蒐輯。譜牒行狀。墓誌記傳之類。薈萃頗勤矣。余搜索多年。常憾其不能盡。自讀二書。耳目所



未逮者。鑒然旁通。爲益不尠。雖然尺有所短。寸有所長。前七十一人。與公道所記。有異聞者。不爲不多。因別有藝苑雜志之作。記以國字。便其展讀。他日當嗣刊。嗚呼。余也。線轂之才。短於叙事。不能選擇。可否明暢情理。雖則不可見全豹之美。僅足以窺其一斑也。且斯編布置冗長。洪纖悉舉。雖似別蜂房之戶。固非爲蛇足之添。勢在于剔抉湮晦。包括散佚也矣。若夫畧者詳之。繁者簡之。首尾全備。實賴後人之糾正矣。冀諸名公不愛其秘。以傳記行狀墓誌遺稿之類見貽。當再輯續編餘編。而補葺遺漏。投示是祈。今茲已



丑之秋業已刻成。故書始末於此。正道公道之子。名義。号德齋。少有英氣。不屈下人。寧乞此文。不墜先業。余辱交誼。不敢掩其推誠接物之美云。

東條耕再識



先哲叢談後編卷之一

信濃 東條耕子藏著

谷時中

名素。有字。時中。通稱大學。後稱三郎。左衛門。土佐人。

時中之先。不詳其所出。父曰宗慶。世事農桑。嘗以時中志於學。讀書於州之高智真常寺。從親鸞派僧天室者學。遂從教剃髮。號慈冲。後住于真常寺。每聚緇徒。講說佛經之暇。好讀經史。最喜漢魏傳注。後悟其入釋之非。然未得學之總攝。泛濫老佛。後聞南村梅軒。



適從程朱之訓。百方千端。訪求其書。始得語孟集注。  
學庸章句。朱子文集等。讀了。慙愧浮屠。廢棄人倫。於  
是乎。又蓄髮還俗。改名。素有字。時中。稱大學。以儒與  
醫教授。高智。于時。元和之初也。

時中了角。穎悟神宇。超儔輩。聞天室講說。大學生財有  
大道之章。講畢。天室語曰。貲財者。殺人喪身之本也。  
與其有之難。而不若無之易。時中曰。財本無心。殺人  
人貪奪。自取敗亡。譬如明燈。不殺蛾。蛾自撲明燈。真  
可閔矣耳。天室大奇之。

時中住持真常寺。時。不欲挹遜。降於人。固無所屈。遇權



要之士。唯長揖。未嘗拜之。遘貴胄豪族。直名之。不以  
文呼。人以其矜誇。一士人大怒。不遜。揮刀將使恐脅  
之。曰。賣僧何德。常在士大夫上。而飽食煖衣。若無一  
言可說。身首異處。又加額下。時中神色不變。自若曰。  
任爾所欲。我視死生若一。何足以恐乎。士人異而不  
加害。

時中訪求經籍。時喪亂之後。僅脫干戈。文運未闢。獲書  
最難。而況高智南州之僻邑。搜索無他術。求之平安  
若浪華若長崎。積年之久。多儲藏之。以其服事田畝。  
家本不貧。以購買書籍之故。饒資富財。爲之蕩盡。嘗



曰富貴失志田產數百石此非所以嘉詒子孫也不  
若吾讀聖賢書講明道義以之傳於後乃鬻却之僅  
存數項田可以餬口云

時中唱程朱學於土州當時稱之南學從遊甚衆土佐

侯

從四位侍從松平土佐守忠義

屢徵之曾謂侯使者曰州內之民

以不食祿於公廩得必爲非臣僕乎在國謂市井之

臣在野謂草莽之臣均是州侯之民也臣叨竊浮名

以儒術妄駭尊聽而學未極精微躬自研究道義之

不暇惡足以師範王侯乎辭而不就侯及士大夫由

是益崇重焉



時中資性豪邁。無所畏敬。而至晚年。磨煉蕩滌。尊信程  
朱。逾益堅確。懲警初年沈淫老佛。汎濫衆家。慨然切  
於求道。深慕許魯齋薛敬軒等爲存食踐履之實行。  
篤學。縝密厚重。拘束一身。動靜周旋。平常尤謹。故其  
於師弟之間也。教育頗嚴矣。野中兼山小倉三省及  
山崎闇齋。皆受之誨。督時中能先識三子。不凡遇不  
以弟子之禮。三子又能心服時中爲久也。後皆以其  
所見振起乎一世。特闇齋剛毅威重。師道甚嚴。蓋所  
以弘習時中之遺風也。

時中以慶安二年己丑十二月晦日歿于家。時年五十



二、葬于高智城外瀨戶山。所著有文集六卷及語錄四卷。皆門人所輯錄也。

三宅寄齋

名島字亡羊號江南野水翁通稱寄齋又以爲號

一說通稱玄番扣泉人

寄齋字多源氏佐々木秀義第三子。三郎盛綱之裔也。盛綱第二子。加地左兵衛尉信實。食邑備後兒嶋。因以地爲氏。五世之孫兒嶋高德。稱備後三郎。殊以武功顯於元弘建武間。後隱于大和州多武峰。入道號義清法師。或曰志純其子孫皆給仕于足利將軍寄齋高



德七世之孫也。父某仕于豐太閤。爲泉州堺五奉行之一人云。

寄齋歲十一喪父。不復仕官。十九遊于伏見。又遊于京。寓紫野大德寺。讀書力學。有年於此。遂以醇儒聞。其學無常師。自以漢唐注疏教授子弟。間講程朱之書。從學者頗衆矣。

寄齋自少壯。性行不苟。遊伏見時。隣有富翁一女。容色甚都。嘗將招寄齋寓宿于家。辭而不行。他日或問之。曰。瓜田不把履。

石田三成在近江佐和山。崇重文學。士屢招藤惺寓惺。



高欲行未果。又聞寄齋之名。使其臣戶田某。卑禮厚幣。而通慇懃。約以時々講說經史。訓導治道也。恩遇頗優。三成意蓋欲以入幕之賓。謀謨機密。論定得失也。于時秀吉既薨。群僚不和。朋黨相搆。人蓄異志。三成固結秀賴。勢傾朝野。附之者衆。寄齋與之往來。僅三回。而稱有疾。不再交。既知三成誣刻善良。包藏不軌。欲擅ニ下私權之事。至其翼年。果有関原之役云。

三成之臣柏原某。與寄齋友善。當其完聚時。賄以黃金十五兩。吐露緣故。固請左祖。三成屬于麾下。寄齋不肯之。



寄齋資性謙虛。退讓自將。不敢欲名高。雖然聞其操行。慕附者衆矣。特與藤惺窩交情最密。惺窩長于寄齋十九歲。而能愛敬之。稱以爲謙厚君子。

寄齋歲踰不惑。信其學術者。不爲不少。如近衛應山公。

從一位左大臣信尋公

津侯高虎

從四位少將藤堂和泉守

福岡侯長政

從四位

位侍從黑田筑前守

宇和嶋侯秀宗

從四位侍伊連遠江守

弘前侯信義

津輕越中守

関宿侯重宗

從四位少將坂倉周防守時爲京所司

皆以賓師

之禮遇之。饋贈不貳矣。故以祿四五百石。雖有聘之者。辭而不應。

寄齋以久教授。

輦轂下唱道於縉紳之間。學博行修。



領袖乎後進聲高于一時。竟達二。獻聞。後陽成二

皇。後水尾天皇皆有。內旨。辟講經於便殿。屢備。

顧問。寵遇優渥。得以布衣。升與公卿。列于禁闈。又有

器財名香之賜。人皆榮之。

寄齋以天正八年庚辰正月元日一說云生于泉州堺。

以慶安二年己丑六月十八日。歿于平安油小路家。

得壽七十或作七也。葬于洛北鷹峰。其墓石正面題。

夷士亡羊子之墓七字耳。蓋此地慶長中。後陽成

帝所賜寄齋。所謂鷹峰四十間四方塚者也。

寄齋。義子名道乙字子燕號鞏革齋。一說云通平安人。



本姓合田氏。學于寄齋。以其篤信於師說。養之爲嗣。  
以女妻之。令冒三宅氏。云道乙精于史學。嘗施國訓。  
於朱子通鑑綱目。刊行于世。今坊間稱之道乙。點後。  
進便之。其裔分爲四家。一曰三宅氏。仕于津侯。二曰。  
合田氏。仕于阿波侯。三又曰三宅氏。仕于備前侯。四。  
曰星合氏。仕于中津侯。皆能繼箕裘。不墜家聲。至於。  
今日。就中近時備前三宅徵字元獻。號牧羊津。三宅。  
昌綏字君靜。號錦川。皆以經義名于世。蓋寄齋德澤。  
之所及也云。

寄齋之曾祖名宗徹字通翁。號葦牧齋。永正中嘗奉于。



使入于明。見詹冲和。

名信以字行錢塘人善書畫

請書葦牧齋額

字得之而還其真蹟三字行書及跋文一幅今猶傳于家以爲珍寶。

小倉三省

名克字政義號二省通稱彌右衛門土佐人仕于

國侯

三省之先世近江人祖政信通稱勝右衛門仕于尾張黑田城主但馬守山内盛豐盛豐屬織田右府弘治三年丁巳戰死於尾州岩倉政信又從死於此盛豐子對馬守一豐從豐太閤討比條氏政有功太閤賞



之賜遠州掛河城。父政康通稱勝介仕于一豐。以勇武聞。及神祖統一海內。封一豐於土佐。高知城爲土州侯。一豐以政康屢有勲勞。拔擢以爲上大夫。歲八十致仕老于家。以承應三年甲午三月卒。享年九十一。三省以父之蔭補爲火器隊長。又爲中大夫。又爲上大夫。襲采地入三千石。

三省坦懷虛襟。喜取衆善。人亦懽陳謀議。及其爲上大夫。以與野中兼山同出于時中之門。學術指趣頗相匹似。而兼山資性剛斷。英特勇往。儼果自行。不敢顧傍慮後。故其闢山野。荒蕪海濱。廣瀉變磽确爲膏腴。



穿掘津呂港便於海運之類一朝而盛功成事業永彰聲望遍于南州三省均在于其職官蹟功烈若遠不及而人物之高殆出乎其上平生以實踐體察自得性命之源固不欲誇耀勝人懋啓導後進實爲南州理學之巨擘矣

三省嘗議藩制死刑之中擇情輕者而用墨劓刑刑救死前後若干人一日斷獄罪抵死矣其蹟猶出青災可肆赦以罪疑特輕之放逐州外愴然憫惻曰寒時服單絺路凍餓乃爲予緼袍及酒食而去其人流涕曰放逆我侵罪也寧死豈忘那恩耶感謝平生慈惠



率類此。

三省與野中兼山底績於土州。當時之人數稱國有其人。而兼山果處多寬處少。加旃以嚴毅威重。進退規矩。才有饒德不贍。三省反之。溫柔寬量。莫與物忤。擲節退讓。不好急遽。嘗諫兼山曰。公強欲知人而好用。明厥照非自然。恐反入過察。夫明者順理先覺之謂。猶堯知丹朱之嚚訟是也。察者逆詐億不信之謂。猶德宗疑察却爲奸佞被罔是也。用意公私。辦事緩急。相去何啻千里。競競業業。須慎事於始。毋貽悔於後。至三省歿。亦無爭友。補弼闕隙。事寢安肆。特其植功。



以<sub>テ</sub>至<sub>ル</sub>奢靡與諸大夫不<sub>ス</sub>和爲之所讒遂至自殺由是  
觀<sub>ハ</sub>之<sub>ヲ</sub>三省學之所親切德之所涵養可<sub>ニ</sub>以<sub>テ</sub>視<sub>二</sub>人優  
劣<sub>ヲ</sub>矣

三省承應三年甲午夏執父喪哀戚然羸瘦毀瘠而疾  
起<sub>ル</sub>至<sub>ル</sub>秋七月十五日而卒時歲五十一葬於州之五  
臺山傍嶋

永田善齋

名道慶字平安又作平庵通稱善齋號石蘊平安  
人仕<sub>ニ</sub>于<sub>ニ</sub>紀侯<sub>ニ</sub>

善齋年十四從洛東建仁寺誓古澗而學詩一夜緇徒



數輩來訪。時丁<sub>二</sub>庚申<sub>一</sub>。古澗乃使衆作詩。善齋又同賦。  
曰。一宵清話共相親。忽轉朱欄月色新。且喜三彭今  
可伏。靜焚香炷守庚申。古澗曰。句則佳矣。山僧有竹  
欄無朱欄。何妄說。其言甚驕。善齋意含不平。後經數  
日。古澗爲人作畫鷹詩。曰。高掛斯圖狡兔藏。劍翎鉤  
爪勢將翔。架頭未了。在縲絏。鳥亦清溪公。治長自負。  
其佳句不止。善齋難之。曰。小子以朱欄譬竹欄。猶且  
指瑕之。今所畫碧絲條而非縲也。先儒云。縲黑索也。  
絏。擥也。且又鷹有何罪。而以縲絏哉。請改而可也。古  
澗面色赧然。自是善齋蚤慧之聲著于五山。縲流之



間。

善齋平生甚謹飲食嘗以蘓文忠河豚烏賊說寫之於屏風自警又使來遊者觀焉蓋所以警悟人之意深矣。

善齋始學于藤惺窩惺窩歿後與林羅山有師友之契常受其誨督平生雖以程朱學爲根柢與近世儒流回護求學拘泥其說成門戶之見者大異矣嘗議朱子行狀不慊於人意者數條雖未免好爲高論可謂能學朱子者矣。

善齋自壯年行必携鐵杖重五十斤嘗將行高野取路



於山中。蒼奴一人從焉。深入數里。老樹蔭鬱。四無人  
逕。有一僵木。長數丈餘。大合抱許。木忽蠕々而動。狀  
如將行者。能熟視之。三丈有餘。老蟬也。奴愕怖避之。  
善齊曰。吾聞蛇類忌鐵。以杖擊其尾。鱗堅如岩石。自  
若而過。

善齊元和中。從林羅山遊。駿府。又來江戶。時羅山薦善  
齊於紀侯。釋褐儒官。移居和歌山。侯優遇之。命有司  
營其書堂。教育士大夫。國中嚮學。自是而後殆二百  
年。絃誦之業。至今俞盛云。

善齊仕于紀五十年。寬文中歲八十七而歿。所著有文



選髓二卷。贈餘雜錄五卷。沕潛文集十二卷。

江村專齋

名宗具字專齋。又以爲通稱。號倚松菴。平安人。

專齋村上源氏。赤松之庶族。曩祖赤松次郎則村。入道號圓心。當元弘中。北條高時獨擅威權。廢立萬乘。始據播州麻耶城。勒王討賊。後從足利將軍。以武功受封於此。子孫繁延于一州。永祿中。同族州之三木城王別所小三郎晴定爲織田右府所攻。喪其所領。專齋之曾祖曰江村民部大輔孝與。又在州之三石城。旣聞三木城失守。防知其不可拒禦。竊出于城奔于



京。隱居新在家。混跡市井。以慶長癸卯歲歿。孝與生榮基。榮基生既在。乃專齋之父也。既在。以聞香技。著稱于世。豐太閤屢召問其法。當是之時。海內搶攘。日尋干戈。既在身。在閑散。而無意於當世。娶某氏。以永祿乙丑生。專齋於新在家。云。

專齋幼在新在家。十五歲遊平安學醫術。於法印德岩。又自攻濂洛學。遂以儒遊事于肥後侯加藤清正。食祿五百石。清卒。後辭其祿。寬永中美作侯森忠政。聞其名。聘之。遇以賓師禮。饋月俸七十口。遂又遊事之。以終焉。



專齋之弟曰久七郎始仕于江州佐々木義秀佐々木氏喪後薙髮號久茂受聞香於旣在又以其抄鳴于世豐太閤屢臨其家是以專齋又得謁見受金帛之賜前後數次時人榮之

專齋自少壯務爲修養齒過九十視聽不衰無與少壯時異矣後水尾上皇聞之召見問修養之術專齋奏曰臣固無他術平生唯持一些字耳上皇問故曰喫食些思慮些養生亦些耳上皇大感賞之

專齋好詠和歌兼精其說細川幽齋木下長嘯子等皆與之交寬文四年甲辰齡甫一百歲自詠和歌三首



其一曰報望徒制珥娜屢馬提鵜惠壽狹武負囉  
民掇愛類美譽野味智貳比嘉列手其二曰儺兒慕  
瀨出實努偉哆豆良尼酢疑斯遊慧簪紆裳方塗世  
農饘樓而阿俯香茱其三曰謨茂努勢毛奈游安機  
多邏須愈區孺敝雄越母敷顧姑慮襲蒙能輪等被  
名璫其藻播傳入獻覽至七月敕許院參賜鳩  
杖一黃金一後又有扇紙等之賜焉夫草莽之士有  
至尊顧問若斯實可謂儒林之榮也

專齋自有鳩杖之賜額家曰賜杖堂子孫世居於此有  
三子長宗覺字斯民號好菴次宗眠字友石號剛齋



次宗祐字惠夫號愚菴三子之後各以文學名於世  
皆仕于侯家其榮耀繁衍世之所稀也是不專齋德  
澤之所致乎哉

專齋與伊藤坦菴友愛殊渥坦菴少於專齋五十八歲  
不以後進視之常稱吾家畏友坦菴深服專齋之爲  
人傾心推奉也嘗記專齋平日談話數百條題曰老  
人雜話好古者寶之坦菴又嘗讚專齋肖像云人生  
滿百古來難無肯有休還更難孫子蟬聯最難得一  
家獨自併三難畢書曰余弱冠而與專齋老人相交  
數十年於此雖年分不偶而氣類頗相同聚會往來



殆無虛日。老人談往事，疊々可聽。一無浮誕，余每忘倦。其爲人也，恂々樂易，在室不聞忿疾之聲。其面常有和煦之色，眞所謂寬厚之長者也。

守齋以賜鳩杖之年九月二十六日，歿於綾小路家。享歲一百。葬于洛東善正寺法謚曰仙壽院日榮居士。至今遠方之人遊于京者，必謁其墓云。

或云：江北海家所傳專齋眞蹟楷書二行，實爲希世珍。今其語附載于此，曰：名利兩不可好。好名者比之好利者，差勝。好名則有所不爲，好利則無所不爲也。



先哲叢談後編卷之一

終



先哲叢談後編卷之二

信濃 東條耕子藏著

山鹿素行

名高祐一名義矩字子敬號因山又號素行子通稱甚五左衛門陸奥人

素行之父曰山鹿六右衛門高道仕于伊勢龜山城主  
関長門守一政食祿二百石一政受封豐太閤領采  
地五萬石焉慶長中高道殺同僚士某潛出龜山奔  
之奥州寄寓於會津侯忠鄉從四位下侍從蒲生下野守後與其  
太夫町田左近善左近食邑三萬石頗爲富饒故與



田祿二百五十石。賓於其邸。優遇甚渥。嘗妾某氏。以  
元和八年壬戌生。素行無幾。會津侯有罪。國除。左近  
新出給仕于幕府。賜食祿五千石。爲百人隊長。騎  
士所謂二十人卒。所謂百人隸焉。故欲薦高道。以爲  
騎士。高道辭而不就。遂以長子惣左衛門代之。惣左衛門  
素行異母兄在。于龜山所生也。自薙髮號玄菴業醫於江戶。時素行  
僅三歲也。云。

素行幼名佐太郎。六歲從塾師學書計。九歲入于林羅  
山門。時稱文三郎。十一爲人講說小學論語。卓觀政  
要等論辨殆若老成。十二羅山許以講經用見臺焉。



見臺蓋懶架類我邦二百年來物儒家講筵代机案

者也十八從北條氏長

通稱新藏後叙從五位下任安房守

學韜略氏

長小幡景憲

通稱勘兵衛

高足之弟子也從學之五年諸

弟子無出於其上者二十二景憲愛素行專志旁通

講習不急使氏長悉傳受秘訣自是而後從學者甚

衆矣三十五其所起草四書句讀七書諺解武類全

書等成四十五被配流於播州赤穂五十遭赦歸

于江戸後十年而歿焉

素行始講宋學左祖程朱年四十後有疑於理氣心性

之說以先是所著經解數種悉燒之寬文六年春著



分門古今類事卷之二  
聖教要錄三卷刊行于世。非斥程朱辨駁排詆無所忌憚。其意蓋在諷刺於奉崇宋學者當時之人。自王侯貴族至士庶尊信程朱者極衆矣。遂以斯獲罪。被幽於播州赤穗矣。

世人稱素行者。皆視以兵家者流。徒知長於韜鈴。未知精於經術。余嘗讀其所著聖教要錄。武教要錄。四書句讀等。持論立說。雖盡不醇。能抒其所獨得。未嘗剽竊先修之說。專門經義。既在當時。別構一格矣。伊藤堀河物赤城輩。以一家學風靡海內。素雖氣運之使然。其嚆矢之任。不得不讓諸於素行矣。



赤穂侯長友

淺野内  
匠頭

親執弟子禮請教與素行往來數

年於此其虛左優遇異於他承應元年壬辰春贈祿  
一千石使釋褐藩素行感知遇應聘仕于此九年而  
責不以職任遇以賓禮猶故萬治三年庚子夏有故  
辭祿侯謂素行曰近世木村常陸介封邑五萬石以  
五千石聘木村惣右衛門長谷川藤五郎八萬石以  
八千石聘嶋孫右衛門丹羽五郎左衛門十二萬石  
以一萬石聘江口三郎左衛門吾所聞也寺澤志摩  
守八萬石以八千石聘天野源右衛門松平越中守  
十萬石以一萬石聘吉村又右衛門吾所親見也自



今以後諸侯有聘問者不爲一萬石無應其聘矣。夫百石千石士之常祿也。士不食祿萬石則出不足以行軍國之用。備戒器之具入不足以祭祀祖先養父母撫臣民矣。其被尊崇率若此。

素行資性英邁卓絕古今。加旃以洽聞強識達練時態。其爲人謀也。敷陳利害論定得失。蒞事果斷疑嫌立決。一執贊者欲挹風猷。依賴於是。不啻問道請教。雖機密事吐露情實。受其截斷矣。故自王侯至士庶人出入於門者。日數十百人矣。家頗富饒。妻妾之奉。奴僕之仕。雖五六千石者不能與之抗。其儲藏費用云。



素行與人語。不令道義厲辭大詈。然人人推愛。氣宇皆  
喜直諒。退無後言。稱門人者。殆四千有餘。八聲價振  
於朝野。而名之所在。謗亦隨焉。有一貴紳憚其譽。謗  
者。謂以若斯之輩。不可謀其包藏。不軌。至於妬忌之。  
而沮裁行趾矣。

素行弘粹通遠。能察未然。其所言經數年。毫釐不違。人  
皆歎先識之明。某侯崇重文學之士。有名諸士多曳

裾。其邸素行又應其徵。屢詣侯家。侯愛擯正雪。

通稱由井

民部

正雪以兵學名於時。嘗邂逅於侯家。正雪丰儀

貴重。甚有威望。長於素行。十三四歲。聞素行精經義。



亦長韜略頗禮貌之。素行話寒暄外不發一言矣。他日謂侯曰。臣視彼容貌以熟察其意。不可測知。君勿必近如彼者也。侯不可。時侯欲以月俸七十口賜與素行。使爲臣辭而不就。後至慶安中果有覆治姦兇之事。

素行弱冠之時好詠和歌。從廣田坦齋學萬葉集三代集等兼研究所謂神道者頗精其說。歲二十一與某侯談諸州地理。席上戲詠和歌二首。記我邦無海州。其什至今膾炙人口。其一曰。紆綱那騎破耶摩屠益滿。嗣盧偉駝舸和乳津玖信煮智婁據馱務馬美磨。



嗟架其二曰鞅賦實辭箭彌能斐陀廼矩荷階冰紫  
澌濃香烏頭稽志茂通結顧禮燕卯躬奈斯

素行常云至誠以感人猶有不服者而况設權謀詐術  
以行之乎

素行常辱赤總侯長友知己辭祿之後猶屢與之交竊  
謂侯曰自干戈止殆五十年天下無事欲爲死以有  
報舊德而時不可爲也則無可授命以達宿志又欲  
有致而酬非常之遇而非啻謫劣無能爲皆係於時  
勢然私心所安不爲無所期臣以經義與韜略教侯  
之諸臣臣精力所蘊皆在於此故能達臣旨若處倫



理之變萬一無服勤有所償乎哉侯大喜爾後殆五  
十年至元祿年間其子赤穗侯長矩時賜死而國  
除其遺臣四十七人果有襲殺吉良氏殉成君志之  
事世稱之赤穗義士之復讐焉

大石良雄當素行被幽於赤穗時親炙之學兵後遊京  
師從學伊藤仁齋云方其枕于窺隙之間潛行如避  
情遊示廢曠日持久乃能使讐不動不驚夷然居之  
而至忘爲之戒心矣而後一鼓得遂其志且使其四  
十六人衆率之以義各見死如歸固非從事於暴卒  
之間而不顧成敗者之所能及也其處人倫之變置



非常之事。一伸一屈。雖出於天授。素行遺澤之所存者。亦可謂不鮮矣。

素行以貞享二年乙丑九月二十六日歿于淺草田原街家。享歲六十四。葬於早稻田宗三寺。法謚曰月海院。瑚光淨珊居士。

素行歿後數十年。常陸稻葉則通著山鹿子由來記。肥前齊藤時良作實傳。詳其事。歷二書皆曰。素行有二女一男。長女嫁弘前津輕將監次女。嫁同家津輕平十郎季男。高基通稱藤助。遊事於平戶侯。其家至今存云。



素行遭赦歸後專唱兵學廢棄經藝以其所見與時流  
忤也所著諸書如武教本論武教小學武教要錄聖  
教要錄既毀其版傳本極尠矣又如武事記武教餘  
錄治教餘錄治平要錄手教餘錄備教要錄百結字  
類當用集雄備集多以寫本行傳播既久矣其他編  
錄成門人之手者數十種祖述其學者曰山鹿流奉  
崇之者至今不絕

川井東村

名與字正直自號東村翁通稱與左衛門大坂人  
東村其先河內人父曰正次母小山氏生二男伯早歿



叔東村也。正次以鬻茶爲業。始居伏見。後移於平安。家產頗富。寬永中傳生業於東村。老稱道存戒之。曰。財幣無失而可也。勿欲必多焉。欲多必僞矣。時東村二十五歲。能服事於商云。

林一之

通稱玄伯以醫而名

者告以痛飲傷身忘親之罪。東村

領之。爾後不敢飲。滴親戚義故宴會之時。雖把盃。不至於此亂血氣也。

東村年垂五十。始志于學。受業於山崎闇齋。東村長於闇齋。十四歲矣。闇齋曰。入道莫如敬。當先持敬。子不



幸過時。不必讀書。可專實踐。我只說與子。則每事須體究。東村從之。專力持敬之說。不敢少解。其餘所聞。皆服膺而無失矣。闇齋屢稱其篤志。

東村嚮學而後。致孝於父母。常悔往年之薄於愛敬。又懼來日之不終養耳。正次性好直言。議不苟合。動輒與鄰里有隙。東村深憂之。懇々乞和於人。後數年。莫爲之不親睦者。人皆賢之。

東村雖嚮學晚。確信程朱。躬執筆日寫經傳。如孝經刊誤。小學句讀。學庸章句。語孟集注。近思錄集解。朱子語類。魯齋全書。讀書錄。天命圖說。自省錄等。凡々畢。



功或詰曰。吾子之所騰寫者。皆刊布於世。而今最之。果似無用。東村曰。我非欲寫之以適於用。不用一則所以不自逸。一則所以習敬也。

東村嘗畜傭夫。夫暴悍倨傲。不知敬愛。然其服事更無所懈。故東村未嘗譴之。唯深慰撫耳。居數十日。夫自抑遜。每見東村。反有慙色。後自然爲篤實恭謙之人。東村愛之。常語曰。先修變化氣質之說。可以視矣。

三宅道乙嘗訪東村。視其家道。歎曰。是董召南之遺風也。東村曰。或然。道乙去。旣而自謂。召南之德。我何當之。有明日。特造道乙家。謝云。公昨許我以董氏之遺



風我偶失對。今於心不安。故謝其罪。

正保丁亥之春。正次罹病。東村雖異居處。日至其家。至益篤。日夜不離側。衣不解帶。湯藥必親嘗。饋饌必自執。中帛廁牕。亦必躬浣滌之。起臥出入扶持之。至厚不欲人之代已。度暑經寒。屬々無倦。至己丑正月。遂不起。東村哀戚踰節。饘粥絕口。於喪紀咸從朱子家禮。而損益之。屋後有一室。居之以爲喪次。自非省母不敢出戶。家事一委之。妻子無所聞。潛然涕泣不已。如是凡十有九月。而母小山氏又歿。東村毀瘠雖甚。哀禮兩不怠。如其棺斂窆窆之事。三虞卒哭之尊。皆



不敢降於前喪。其所自執久而愈謹。通二喪凡四十  
有餘月。而憂色猶未去。云。按我邦慶元以來。學問太  
闡。當是之時。有識之士。能斷然行之。服三年喪。往々  
有焉。安知非其感發於東村之所爲也哉。

有或來訴。父之不慈於東村者。東村聞而不荅。泣而涕  
下。其人驚問其故。東村曰。聽乃言。似梟鳴。甚不祥。可  
遄去耳。夫詣弊廬趾也。告不慈舌也。厥趾厥舌孰得  
而運轉之。無非行親之遺體也。將枝傷根。骨肉相噬。  
天地之所不容。王法之所棄。市不祥莫大焉。語畢復  
泣。其人憮然自失。扣頭謝罪。後自反責躬。遂孝於父。



母矣云。

東村之妻高瀨氏平安人。頗有學術。夫婦之間相敬愛。若賓客。雖與偕老。奉待東村。夙夜不倦。鄉隣之人屢稱其有賢婦之行焉。

東村以延寶五年丁巳十一月六日歿。時歲七十七。大高芝山評東村曰。翁是一味誠實人也。獨立不慚影。獨寢不愧衾。翁之謂也。昔遇翁。敢問進脩之方。翁曰。莫追往日之蹤。莫迓來日之杳。唯一日目下。勉爲善而已。如是而後。積度歲月久。則自然慣習善。斯成性。余審勘實踐之言。固非想像也。教夫悖子克孝。詩云。



孝子不匱永賜爾類以言教者訟以身教者從觀於此而倍服古訓之驗也

西健甫

名順泰字健甫號西山阿比留氏通稱健助後改氏西山故修爲西對馬人仕于本國

西山其先世肥前人父順益以醫仕于本州西山學於家庭研精軒岐之言而不屑方技好讀經史歲十八九其名聞於府侯辟爲書記命改父祖之業矣云

西山歲二十八而請暇於侯東遊江戶從木順菴學與新井白石室鳩巢切靡其業聲價稍顯於同門之士



與南部南山同其庚子。當時之人謂之木門二妙。後又松浦霞沼與祇園南海同其庚子。人謂之後二妙。前後二妙之稱喧傳於藝園云。

西山自受業於順菴之門。與時輩交。自恨成長遠鄙無良師友。徒費<sub>中</sub>光陰<sub>上</sub>。刻苦憤勵。不廢誦讀。居一年餘。才情富贍。學術大進。其鴻文鉅藻。旣魁藝苑。天若假之年。其所抱負。殆不可量矣。

西山以元祿元年戊辰十月三日。歿于江戶。歲三十一。棺斂以儒禮。葬于下谷養玉寺。其在病蓐。旣知不可起。乃使其僕焚文稿數卷。曰。若我文章。何足以傳之。



身後世之不問交不交者莫不愛惜之者矣噫

按白石停

雲集村意語古今諸家人物志并大室儒林傳皆云西山以元祿元年秋九月年二十九而歿者誤也

白田畏齋

名可久號畏齋通稱五郎左衛門本姓坂口氏備

前人

畏齋之父曰可政爲備前大夫某之家宰母曰田氏畏齋早喪父後襲其職天和二年壬戌之春有故辭祿改氏曰田來於京時歲三十八

畏齋自少有志於道及其來京僑居銅駝坊蓋欲求良友以切磋學業獨抱遺經於窮巷時藤井懶齋仲惕



齊殊愛重之。皆稱畏齋。識見之高。卒不踰洛閩之塗轍矣。

畏齋雖以名教爲任。不欲抗顏稱儒者。而爲講業矣。躬親事體。究實踐。常備書以給食。猶且不足。穀粟不能以養妻子。則取菜芋相雜炊。以爲飯食之。其窮迫。可以想視。而對人無一語之及貧也。或有贈物濟其乏者。辭而不受。反有愀然不樂之色。儻不得已。而有所受。則以報之。後人皆知之。不復餽也。鄉黨之人皆稱其廉矣焉。

懶齋謂畏齋曰。朋友有通財之道。兄窮困如是而不受。



交誼之饋。是何義耶。對曰。非敢爲不可受。若其朝不  
食夕不食。飢餓不能出門戶。吾何不受。雖今窘急。幸  
未至凍餒。故不受耳。

或勸畏齋以祿仕。不答。勸之教授爲業。又不答。勸之煉  
藥而鬻於市。從之。自讀方書。製地黃丸。益氣湯。類尤  
窮力於磨研蒸搗矣。人皆曰。斯人而煉斯藥。劑料必  
真。修治必精。買者頗衆。從是之後。衣食聊足云。

畏齋之所居。四隣皆窮民。畏齋常節己之衣食。雖無餘  
財。賑賙其急。人皆無不倚賴之者矣。

畏齋有窮乏者來。買其所製之藥者。則不見錢之多少。



而多與之。曰：若此藥効於爾病，雖無錢時，必須再求焉。我畜之尤多矣。有壯年者，富强者，來求之，則問曰：藥不中病，反加其害，宜與醫生相謀，審其當服乎？否？而後來求也。我益賣之。雖然，我不欲妄賣之以助人之淫心。

畏齋與友人三四輩郊行。視一男子卒倒于糞溷中，而不潔已沒其身也。友人及行路之人，皆雖憐之，惡其穢臭，不得敢近。特畏齋急下手於溷中，以援得之。其所爲如不見不潔者。旣而里人來視，謂曰：之子患癰久矣，偶發于此耳。君儻不回顧而援之，彼身朽於溷



中。而人莫之知。大謝之。

畏齋嘗懷償債之金五兩。行遺之途。訪索不得。徒然以歸。妻甚不悅。畏齋曰。楚人失弓。楚人得之。苟有損於遺者。則必益於拾者。遂無吝之意。

有一小奴買魚於市。鄧而爲魴鳶所捉奪。深懼其主之詬罵。畏縮無計。不得歸家。涕泣途者。畏齋不忍觀之。乃倒囊與錢若干。使其小奴再買持去。

中陽齋著講學筆記二卷。敷演程朱之旨。論爲學之功。夫尤詳。雖論知識之爲天命。然未及說身體之有天職。雖論在上之天鑒可畏。然未及說在身之天則可。



敬畏齋與惕齋嘗論此義其言曰凡人身如目之辨色耳之審聲口之出言舌之知味手之能作爲足之能運動皆是天之所命而各具其德豈得任己意而私用之哉况以肆污穢乎人能知其各有天德則動靜云爲不可不往而畏天之命噫雖幽暗中天臨無所可避其嚴于十目十手矣若蔑天德而穢之將何之以免天誅其尚存者幸而免矣爾惕齋得此說益感服其所見出於世儒之上遂載之筆記以爲先賢未發之言矣

畏齋以元祿三年庚午八月臥病至十月七日遂不起



享歲四十六。義故及二三門人戮力聚財。禮葬於深草寶塔寺。

畏齋歿後。其友藤井理定作行狀云。處士之學。唯剴切於求仁也。其持守培養之所。素有可以視耳。若使天之與之年。其所造詣豈可測量也哉。

### 伊藤坦菴

名宗恕。字務號坦菴。又以為通稱。白雲散人不輟齋。皆別號。平安人。仕于越前侯。

坦菴之祖父曰伊藤丹後守宗通。給仕豐太閤。慶長中卒。其子曰宗淳者。始家於京。新在家。乃坦菴之父也。



垣菴幼而好學受業於江村專齋又學醫術於曲直  
瀨玄理玄理愛垣菴爲人以其女娶之後以玄理門  
人請治療者頗多矣寬文中改業爲儒不再取刀圭  
專唱程朱學越前侯光通從四位上中將越前守聞其名聘之  
賜二十口八百石以爲儒官

垣菴與村上東嶺伊藤仁齋情交尤密東嶺長於垣菴  
一歲垣菴長於仁齋四歲自少至老屢相往來若兄  
弟然後各以耆宿山斗於一時及其歿故三人不過  
三年相尋凋落

天和年或讒以曲直瀨玄理薦垣菴於幕府將擢爲



學職之狀。越前侯聞之大怒。召坦菴於福井城。幽之一室。坦菴雖在憂悶中。優遊自得。更無鬱悒之色。日讀經史。或作文賦詩。若不知身在禁錮者。殆三年矣。後讒者被放逐。其寃始明。遭赦而歸京。嘗謂門人曰。三年在一室。而不省世事。獲專精於讀書。是亦君恩之厚矣耳。

坦菴好以禮義自維。不苟言笑。故以謇直方正。被稱於士大夫間。嘗在福井城。元旦一藩之士。朝侯新祝禮畢。坦菴與執法某私語於正廳側。人皆憚之。坦菴視戲曰。雖無爪貓鼠。不得不息。勢舊不敵也。雖不吠狗。



盜不得不惡。意舊不對也。

坦菴之詩文。世多不知。活所遺稿序。剛齋遺稿序。老圃集序。法苑珠林捷徑序等。皆載各書。林九成名賢文集。載聚遠亭記。賴朝論。櫻川研銘三篇。又名賢詩集。載五律二十一首。七律十六首。七絕十四首。可謂不畝。蓋其家屢罹火災。手澤之物。總爲灰燼。不存片隻矣。

坦菴之男。名溫。字元恭。號平菴。歲五十五。先坦菴而歿。以無嗣子。故養門人播磨清田宜齋爲後。襲其祿。宜齋名道基。字子崇。又號龍洲。能繼其裘。其學術不讓。



坦菴云

坦菴以元和九年癸亥九月二十九日生。以寶永五年戊子八月二十四日歿。享歲八十六。葬于京極大雲院所。著有老人雜話。坦菴文集。

伊藤東涯哭坦菴詩略述其履歷。今附載於此。云壯歲參越幕。宦歷五十霜。眷遇主致禮。矜式士有望。翰墨法度嚴。詞采光燄長。隻字初落紙。人間爭珍藏。奇書寫滿屋。名花栽在莊。佔俸老不休。耽閒臥洛陽。嗟々不慙遺。精靈歸彼蒼。暗燈秋風叶。落月暮雲狂。寄語二三子。收淚慰憂傷。一部坦菴集。身亡名不亡。



小河立所

名成章字伯達一字茂實號立所通稱茂七郎平  
安人

立所世家於京鎮守府將軍藤原秀鄉十世孫曰兵庫  
頭政平者居於近江小河始分族爲小河氏政平十  
四世裔曰吉盛給仕于室町將軍吉盛生光種光種  
生吉勝吉勝生以安通稱莊兵衛老號省字乃立所  
之父也娶有馬氏以慶安二年己丑歲生立所於平  
安挑華坊家云

立所十二三歲緘默少言器度如成人父省字愛之曰



兒神宇遲重似不能言者。如此而後出語。可人而已。  
立所歲十五始志於學。慨然有求道之意。與弟成材。字  
吉號德所。受業於伊藤仁齋之門。學成授徒。遂以經義著  
稱於世云。

當時崇奉堀河學者。皆以辨駁理氣心性之說爲專務。  
其事實踐躬行者。尠矣。立所有見於此。特先躬行而  
後言論。嘗定學規三條。揭諸齋壁。其一曰。反求於己。  
勿責於人。二曰。忠以盡己。恕以待人。三曰。不逆人誣。  
思己不信。又書云。人之氣質有萬不動。其造道之方。  
亦各因其材。敬戒之目。固非三條之所能盡。然平生



所以爲學者不在於此。則外雖可觀。不足以爲學矣。  
立所以元祿四年辛未之春。遊于江戸。寓于東叡王  
府。王愛文學士。恩顧甚渥。居六年。丙子六月乞暇。將  
歸平安。留別諸友賦詩云。官遊六歲欲還京。又有親  
朋無限情。惜別歸思方寸裡。兩般相戰意難平。諸友  
曰。佳什句則善。甚有不祥意。立所笑曰。惜別留別之  
常態。何之不祥之有。歸京之後。無幾而歿。果爲詩讖。  
立所歸京之時。途中河魚毒。調理不驗。而在病床。伊藤  
東涯自往問疾。體羸神索。言噤氣喘。見東涯喜曰。幸  
哉。吾子來也。我死在旦夕。予訣死將囑子。先賢有言。



曰鳥之將死其鳴也哀矣。人之將死其言也善。  
以予不肖而易予言。夫大壽不貳脩身以俟。今予  
愧斯言。若吾子素受家學。衆所矜式。勿託道義以  
俗學。勿務博雜以忘守約。至命之窮達非所  
能擇焉。東涯終身稱此言云。

立所以元祿九年丙子七月十七日歿。時歲四十八。及  
其將易簀。視死如歸。精爽不亂。端坐而終。葬  
上品蓮臺寺域內大慈院。所著有論語國語解十卷。  
伐柯篇二卷。聖教錄學論各一卷。及文集四卷。  
松浦交翠。



名默字成之號交翠軒通稱藤五郎播磨人

交翠歲十五仕姫路侯松平大和守直矩侯知其志於學東游

江戶從事林鷺峰講習經史居五年而侯薨自是絕

思官途講說爲業從遊者頗多矣貞享中閣老河越

侯喬知從四位下侍從聞其學術聘之贈月俸十五

口交翠無意於再官賓師其邸云

交翠確信程朱學不喜博雜嘗書已所見示弟子曰天

命之性者萬物之一原也然天地人本渾論體而

未始有所間隔但由天人形質相分故取天賦物受

之義而性命異名耳實非彼來襲於此也其本來渾



淪一體者。非言語所能象。可默而識矣。

文翠常語人曰。服庸醫之藥。不若不服。習庸儒之教。不若不習也。

文翠所著諸書。讀之皆有裨益於後學。近時之人。動輒求言詞藻。不知考究體用躬行。則不能察其學術如何。概以道學先生頭巾者流目之。陳腐論說爲不足讀。可謂誤矣。

文翠以寶永四年丁亥九月二十七日歿。時歲六十四。所著有孝經證解。論語證解。大學授蒙資講。齊東野語。世諺故事。勢免天嘉多連。及文稿等。



莊田琳菴

名靜字子默。號琳菴。通稱萬右衛門。武藏人。仕于

丹波龜山侯。

松平伊賀守忠晴

琳菴少從谷一齋學。資稟特異。僅踰弱冠。其學既通。尤長於談論。龜山侯一聞其講。通鑑綱目。喜之以祿百五十石。聘之。琳菴起而應之。仕爲侍讀。時歲二十八矣。

琳菴才識淵茂。立志以忠誠自勗。說於學者。有志而行。未果。斷者曰。學當如習水。習之淺處。而後向深。沒溺欲死者數次矣。方始見功。若懼其溺。不離得淺處了。



終身在水亦不能游泳數尺之水。

琳菴天資溫柔。退然若不勝衣者。而至與人論辨。得失吐歎。盤詰不避利害。以謗訐人皆忌憚之。寬文十年庚戌歲。其君侯逝。柄臣得志。謀事於內。琳菴自以爲不可默而止。捧諫疏擯之。或面折排之。奸邪輩深忌刻之。乃構讒抵罪。遂幽囚於龜山城。囹圄中嘗著獄吏問答一書。譜記經史數千言。弗外一字。有識者稱其不可企及焉。

琳菴在於獄中四年。以延寶二年甲寅十月棄市。將就死。地向南拜。先君曰。死。酬知己之德。謁黃泉。下臣無



怛怛。又向東拜。江戶之母曰。萱砌春輝之鞠育。豈得  
報寸草之芒乎。今復先而貽大耋之嗟。不肖之戾孰  
大焉。我匪弗懷私恩。其奈公義何哉。乃朗吟絕命辭。  
云。迥慕胡忠簡。英名萬古流。浩然同正氣。一笑隕儂  
頭。時歲三十六。及泣蹈白刃。神色不變云。人皆憐之。  
榊原篁洲

名玄輔。字希翊。號篁洲。通稱小太郎。後以元輔爲  
通稱。和泉人。仕于紀侯。

篁洲之先世伊賀人。本姓下山氏。幼而孤。爲外父所養。  
因冒其氏。少負奇氣。遊于平安。求仕縉紳家。無更所



遇從木順菴學。寓于其家。居三年而歸鄉。閉門讀書。將以文學振揚於一世。留志經義。不欲時流所爲。詞藻浮華之事。後從外父來江戶。講說爲業。先是師順菴被擢幕府。又在江戶再遊其門。學術大進。順菴薦之。紀侯釋褐。儒官。

篁洲在當時。旣不好區別學流。故每講經。用漢魏傳註。與宋明疏釋訓詁。則據馬鄭之舊說。義理則依程朱之心性。近時所謂折衷學者。胚胎於此。其博綜之餘。旁通星歷五行風水數術之說云。

篁洲在平安時。嘗執謁於伊藤仁齋。聞其講論語。旣告。



久曰彼儒有定見自構一家言不爲無功於聖學矣其私淑吠虛之徒相與慕倣不省如何唯好辨駁先儒吾恐京師之學從此而變矣京師之變則大坂江戸亦然後十年唱和其說者稱古學家風靡京攝之間又十年許物徂來崛起江戸天下之學術大變矣果不違其言

篁洲常云天下技藝各有四等一曰偏多二曰功者三曰上手四曰冥盡上下三千年縱橫一萬里所存不出於此學者之於道亦然

篁洲資性敏捷博綜衆技尤精天官家言日月薄蝕星



辰、躔、度、推、測、無、遺、毫、髮、澁、河、春、海、名都字三哲以星  
歷、學、聞、簞、洲、屢、往、來、之、研、尋、疑、義、反、覆、辨、論、春、海、長  
於、簞、洲、十、七、歲、常、歎、服、其、技、稱、爲、我、邦、未、嘗、有、之、人  
物、焉。

簞、洲、於、同、門、士、尤、稱、莫、逆、者、雨、森、芳、洲、新、井、白、石、室、鵠  
巢、三、人、矣、芳、洲、自、少、嫻、辭、令、善、華、音、白、石、留、志、國、朝  
典、故、通、曉、時、態、鳩、巢、以、經、義、爲、專、門、領、袖、後、進、簞、洲  
該、博、旁、通、加、旃、以、深、智、儁、才、自、鎗、劍、射、御、書、計、醫、卜  
至、茶、香、圍、碁、猿、樂、之、類、通、串、其、技、者、不、可、勝、數、順、菴  
晚、年、戲、謂、人、曰、伯、陽、之、華、音、君、美、之、典、詁、師、禮、之、經



義希翊之技藝。我門之手足矣。

篁洲又善書畫。嘗寫其師順菴之肖像。就求贊語。順菴因述平生實履與之。一日篁洲享順菴於其家。先之肖像。既而裱裝懸之壁上。順菴喜賦七絕一首謝之。其詩云。珍重篁洲寫我真。頗觀如此有精神。願言阿堵無憎愛。同學同門一視春。

篁洲歲過不惑。好讀文獻通考六典通典等書。專研討歷朝之沿革制度。故如明律。尤其所精究。嘗奉侯命撰明律譯解三十六卷。自是而後。若高瀨學山物徂徠之輩。講明律者。徃々有矣。其講明律學政書起自



篁洲云。

篁洲以寶永三年丙戌正月三日歿。時歲五十一。葬於  
江戶鮫橋圓應寺。所著有易學啓蒙諺解。老子經諺  
解。古文真寶諺解。山谷詩集註鈔。書言俗解。疊字訓  
解。正續詩法授幼抄。正續印章備考。談苑。談藝。雜記  
文稿等。男名延壽。字萬年。號霞洲。孫名良顯。字彰明。  
號青洲。皆襲職云。

先哲叢談後編卷之二終











先哲叢談後編

BL  
1843  
T582  
v.1-2